

2022-2023 CODSIGA BARNAAMIJKA TAMARTA EE MINNESOTA

Codsiga barnaamijka Tamarta ee Minnesota waxa lagu helayaa luuqadaha Hmong, Soomaali, Isbaanish, Fiitnaamiis, ama qoraal daabacan oo weyn oo laga helayo Adeeg Bixiyaahaaga ama dhanka khadka oo laga helayo mn.gov/energyassistance

Codsigan waxa loo adeegsadaa in lagu codsado barnaamijyadan:

- Barnaamijka Taageerada Tamarta (EAP)
- Barnaamijka Taageerada Cimilada (WAP)
- Barnaamijka Kor-u-qaadista Tashiilka (CIP)

Sida codsigan loo buuxiyo

- Akhri dhammaan macluumaadka codsigan la socda.
- Ku buuxi macluumaadka qof kasgta oo gurigaaga ku nool. DHAMMAAN dadka ku nool gurigu waa xubnaha qoyska haddii ay dadkaasi wadaagaan kijada ama qaybaha kale guriga lagaga nool yahay.
- Dhammeystir oo u keen Adeeg Bixiyahaaga codsiga, caddeynta dakhliga iyo dukumeentiyada kale.
- Waa inaan heynta dukumeentiyada oo dhameystiran si aan u go'aamino inaad u qalanto barnaamijka iyo in kale.

Haddii aad u baahato in buuxinta codsiga lagaa caawiyo, wac Adeeg Bixiyahaaga Maxalliga ah ee EAP. Lambarka taleefankooda wuxuu ku qoran yahay bogga koowaad ee Codsiga Barnaamijyada Tamarta ee Minnesota.

Si necesita ayuda para completar esta solicitud, comuníquese con su proveedor de servicio del PAE local. El número de teléfono se encuentra en la primera hoja de la solicitud de los Programas de Energía de Minnesota.

Haddii aad u baahato in buuxinta codsiga lagaa caawiyo, wac Adeeg Bixiyahaaga Maxalliga ah ee EAP. Lambarka taleefankooda wuxuu ku qoran yahay bogga koowaad ee Codsiga Barnaamijyada Tamarta ee Minnesota.

Yog koj xav tau kev pab sau daim ntawv thov no, hu rau Tus Neeq Muab Kev Pab EAP hauv koj cheeb tсам. Laww tus xov tooj yog teev rau ntawm thawj nplooj ntawv ntawm Daim Ntawv Thov Minnesota Cov Khoo Kas Pab Them Nqi Hluav Taws Xob.

Nếu quý vị cần hỗ trợ để điền vào đơn đăng ký này, hãy gọi cho Nhà Cung Cấp Dịch Vụ EAP tại địa phương của quý vị. Số điện thoại của các nhà cung cấp được liệt kê trên trang đầu tiên của Đơn Đăng Ký Chương Trình Năng Lượng Minnesota.

Dir caddeynta dakhliga

- Soo dir caddeynta dakhliga guud ee ay heleen dhammaan dadka qoyskaaga ee 3-da bilood ee buuxa ee ka horeeya bisha aad saxeexayso codsiga. Dir nuqullo, dukumeentiyada asalka ah laguuma soo celin doono.

Codsiga waxa saxeexay:	Dir caddeynta dakhliga guud ee la helay:	Dakhliga qoyska ee 3-da bilood kama badnaan karto hagayaashan dakhli:	
		Cabbirka Qoyska	Dakhliga
Agoosto 2022	Maayo, Juun, Luulyo 2022		
Sibteembar 2022	Maayo, Juun, Luulyo, Agoosto 2022	1	\$7,643
Aktoobar 2022	Luulyo, Agos, Sebt 2022	2	\$9,994
Noofeembar 2022	Agos, Sebt, Okt 2022	3	\$12,346
Diiseembar 2022	Sebt, Okt, Nof 2022	4	\$14,698
Jannaayo 2023:	Okt, Nof, Dis 2022	5	\$17,050
Febraayo 2022:	Nof, Dis 2022, Jan 2023	6	\$19,401
Maarso 2023	Di 2022, Jan, Feb 2023	7	\$19,842
Abril 2023	Jan, Feb, Maarso, 2023	8	\$20,283
Maayo 2023	Feb, Marso, Abril 2023	9	\$20,724

Caddeymaha la dirayo

- Mushahar:** EAP waxay SSN-kaaga (lambarkaaga amniga bulshada) u isticmaali kartaa inay ku xaqiijiso mushaharka ay soo gudbiyeen cidda aad u shaqeyso. Waxa laga yaabaa inaanu kaa dalbano waraaq jeeg ama xaqiijin kale haddii aanu xaqiijin kari wayno mushaharkaaga.
- MFIP, GA, DWP:** Waraaq gobol oo muujinaysa xaddiga billaha ah ama waraaqda dhaqdhaqaaqa bangiga.
- Taageero lammaane ama lacagta masruufka kala tagga ka dib:** Nuqulo jeeg, waraaqaha dhaqdhaqaaqa bangiga, ama qoraal uu soo saxeexay bixiyuhu oo ay ku caddahay xaddiga lacagaha la baxshay iyo taariikhdu, ama caddeyn kale oo sheegaysa xaddiga lacagta la helay.
- Gunnooyinka Halyeyada, Amniga Bulshada, RSDI iyo SSI:** Waraaqaha lagu baxshay, waraaqaha dhaqdhaqaaqa bangiga oo muujinaya dhigaalka, ama nuqulo jeeg.
- Mag-dhow shaqaale, Naafonimo Muddo Ggaaban ama Muddo Dheer:** Ogeysiiska gunno siinta, nuqulada jeegaga mag-dhowga ama naafonimada shaqaalaha, xogta magdhowga ee shaqaalaha, ama xogta qareenka.
- Cayrta Shaqo-la'aanta:** Waxa laga yaabaa inay EAP dakhligan ku xaqiijiso.

- **Isu-shaqeeya, Beer Leh, ama Dakhli Kiro:** Labada bog ee ugu horeeya cashuur celintaadii IRS-1040 ee ugu dambeysay iyo Jadwal 1. Haddii aadan soo gudbin cashuurtaada, wac Adeeg Bixiyahaaga oo ka dalbo Foomka Isu-shaqeynta.
- **Dulsaarka, Faa'ido-Qaybsi:** Waraaqaha Dhaqdhaqaaqa Bangiga, IRS1099, ama IRS-1040.
- **Dakhliga Hawlgabka oo uu ku jiro Dakhliga IRA:** Jeegaga/waraaqaha gunnada, waraaqaha dhaqdhaqaaqa bangiga ama waraaqda bixinta.
- **Lacagaha hawlgabka iyo Maalgashiga dadka waaweyn:** Jeegaga/waraaqaha gunnada, waraaqaha dhaqdhaqaaqa bangiga ama waraaqda bixinta.
- **Dakhliga Qabiilku qofka siiyo, bakhshiiska, ama Lacagaha Xukunka:** Jeegaga/waraaqaha gunnada, waraaqaha dhaqdhaqaaqa bangiga ama waraaqda bixinta.
- **Bilaa Dakhli:** Haddii qoyskaaga aanay soo gelin wax dakhli ah ama qofna aanu idiin shaqeyn, wac Adeeg Bixiyahaaga.

****Fadlan soo dir nuqulada cadeynta dakhligaaga. Dukumeentiyada asalka ah lama celin doono****

Maxaa dhacaya marka xiga?

- Adeeg Bixiyahaaga Maxalliga ah ayaa dib u eegi doona codsigaaga oo kula soo xiriiri doona haddii ay u baahdaan macluumaad dheeraad ah.
- Haddii ay hayaan dhammaan macluumaadkii muhiimka ahaa, Adeeg Bixiyahaaga Maxalliga ahi wuxu codsigaaga uga hawlgeli doona sida ugu dhakhsaha badan ee suurtogalka ah, oo waxaad heli doontaa waraaq kuu sheegaysa inaad kaalmo heli karto.
- Haddii la ansxiyo, waxaanu gunnadaada siin doonaa shirkadaha aad ku soo qortay codsigaaga.
- Haddii la diido, waxaanu kuu sheegi doonaa sababta iyo sida aad dib ugu soo codsan karto ama go'aanka rafcaan uga qaadan karto.

Taageerada tamarta ee degdega ah

Barnaamijka Taageerada Tamarta waxa laga yaabaa inuu ku kaalmeeyo haddii aad xaalad degdeg ah oo tamareed qabto. La Xiriir Adeeg Bixiyahaaga haddii:

- Kuleylkii ama korontada lagaa jaray ama lagaa jari doono
- Aad awoodi kari wayday in shidaalka lagu keeno
- Aad guriga adigu leedahay oo foornada dabku aanay kuu shaqeynayn

Lambarada Amniga Bulshada (SSNs)

SSNs waxa laga rabaa dhammaan codsadyaasha marka laga reebo dadka ajaanibka ah ee u qalma ee codsanaya barnaamijka (tusaale, dadka degenaashaha joogtada ah haysta, magan-galyo doonka, qaxoontiga, iwm.). Haddii aadan bixin lambaro amni bulsho ama waraaqo socdaal oo sax ah, kama shaqeyn karno codsigaaga. Haddii aad tahay qof ajaanib ah oo u qalma barnaamijka, waxa laga yaabaa inaad SSN la'aan ku codsato. La xiriir Adeeg Bixiyahaaga si aad u ogaato dukumeentiyada la rabo. Haddii adiga ama xubnaha qoyskaagu yihiin ajaanib aan barnaamijka u qalmin, waxa laga yaabaa in qoyskaagu weli heli karo kaalmada haddii xubnaha qoyska midkood yahay muwaadin ama ajaanib barnaamijka u qalma. La Xiriir Adeeg Bixiyahaaga wixii tafaasiil ah. Gobolku wuxu SSN-yada u adeegsan doona maamulista EAP si loo hubiyo aqoonsiga, looga hortago laba-jeer ka qaybqaadashada, oo loo go'aamiyo u qalmista gunnooyinka dadwaynaha. SSN-kaaga waxa sidoo kale loo adeegsan doonaa in macluumaadka mushaharka iyo mag-dhowga lagaga helo Waaxda Shaqaaleynta iyo Koboca Dhaqaalaha ee Minnesota (DEED), lagu xaqiijiyo macluumaadka aad codsiga ku dhex bixisay, oo lagaga hortago, lagu ogaado, laguna saxo been-abuurka, khasaareynta, iyo si xun u isticmaalka.

Codsadyaasha ajaanibka ah

Si aad kaalmo uga hesho Barnaamijka Tamarta ee Minnesota, waa inaad ahaataa muwaadin ama si sharci ah ku joogta Waddanka Maraykanka (US).

Gunnooyinka Kaalmada tamarta lama tiriyo marka la go'aaminayo faa'iidoyinka dadka ajaanibta ah. Waxaad kaalmo u codsan kartaa oo u heli kartaa xubnaha qoyska ee u qalma barnaamijka, xitaa hadii adiga ama xubnaha qoyska qaarkood aanay u qalmin xaaladdooda socdaal darteed. Xubnaha qoyskaaga ee ah ajaanib u qalma barnaamijku waa inay keenaan caddeynta xaalkooda socdaal. Bixi nuqulada labada dhinac ee kaararka socdaalka ama dukumeentiyada kale ee sheegaya xaalkooda socdaal ee xubin kasta oo qoyska ka mid ah oo ajaanib u qalma barnaamijka ah. Dhammaan xubnaha qoyska iyaga oo aan loo eegayn xaalkood socdaal ama muwaadinimo, waa inay baxshaan macluumaadkooda dakhli, balse keliya muwaadiniinta ama ajaanibka barnaamijka u qalma ayaa xubno qoys ahaan loo tirin doonaa. La xiriir Adeeg Bixiyahaaga si aad u ogaato waxa xaaladdaada laga rabo. **Ogolaanshahaaga la'aantiis, macluumaadka kugu saabsan lama wadaagi doono Waaxda Socdaalka iyo Jinsiyadaha ee Maraykanka (USCIS).**

Habraacyada Dakhliga U Qalmista Barnaamijka Taageerada Cimilada (WAP)

Waxa laga yaabaa inaad u qalanto Barnaamijka Taageerada Cimilada (WAP) xitaa haddii dakhliga qoyskaagu u ka sarreeyo xadka EAP. WAP waxay mulkiilayaasha iyo kireystayaasha u qalma siisaa cusbooneysiin dhanka tamarta guryaha ah taas oo ka caawisa marxinta tamarta kana dhigta gurigaaga mid caafimaad qaba oo aamin ku ah in lagu noolaado. Wixii macluumaad dheeraada ah, booqo <https://mn.gov/commerce/consumers/consumer-assistance/weatherization> ama wac **1-800-657-3710**

Sharciga Iska Ilaalinta Cimilada Qaboow

Haddii aad isticmaasho gaasta dabiiciga ah ama koronto si aad guriga ugu kulayliso ama aad u baahan tahay koronto aad kaga shaqeysiiso kuleyliyaahaaga ama marawaxadda foornadaada kuleylinta, waxaad xaq u yeelan kartaa Sharciga Iska Ilaalinta Cimilada Qaboow inta u dhexaysa Oktoobar 1 iyo Abriil 30.

- Sharciga Cimilada Qaboow wuxu kaa caawinayaa inaad iska ilaaliso in adeegga lagaa jaro ama wuxu kaa caawinayaa in aad adeega dib u soo xirato.
- **Si aad u hesho iska ilaalinta Cimilada Qaboow, waa INAAD la xiriirtaa shirkadaha ku siiya tamarta oo la sameysataa qorshe lacagbixineed kuna taagnaataa. Haddii aad seegto lacagbixin, waad waayaysaa ilaalintaada waxaadna waayi kartaa adeega kuleylinta.**
- Haddii aad hesho Taageero Tamareed, waxaad horey ugu sii qalmeysaa Sharciga Iska Ilaalinta Cimilada Qaboow. Barnaamijka Kaalmada Tamarta maaha qorshe lacag bixineed mana beddelayo lacagtii aad u baahan tahay inaad bixiso.
- Adeeg Bixiyahaaga ayaa kaa caawin kara inaad qorshe lacagbixineed macquul ah la sameysato shirkadaha tamarta.

Ogeysiiska Asturnaanta iyo Xuquuqahaaga iyo Masuuliyadahaaga.

Ogeysiiska Asturnaanta

Qodobada Xeerka Asturnaanta Shuruucda federaalka iyo kuwa gobolka ayaa naga raba inaanu kuu sheegno xuquuqadaada iyo masuuliyadahaaga ka hor intaan ka uruurin macluumaad loo aqoonsaday inay khaas ama sir yihiin. Foomkani wuxu ku siinayaa macluumaad u hogaansan Xeerka Asturnaanta ee Federaalka ee 1974 1974, 5 U.S.C. § 552a(e)(3) iyo Xeerka Dhaqamada Xogta Dawladda ee Minnesota, Minn. Stat. § 13.04, subd. 2 (oo sidoo kale loo yaqaan digniinta Tennessee).

Fadlan si taxaddar leh u akhri *Ogeysiiskan Asturnaanta* ka hor intaan buuxin oo saxeehin *Codsiga Barnaamijka Tamarta ee Minnesota*, oo *Ogeysiiskan Asturnaanta* keydso si aad mustaqbalka u isticmaashid. Ogeysiiskan Asturnaanta wuxu ku dabbaqmayaa Barnaamijka Taageerada Tamarta (EAP), Barnaamijka Taageerada Cimilada (WAP), iyo Barnaamijka Kor-u-qaadista Tashiilka (CIP), oo sidoo kale loo yaqaan Barnaamijyada Tamarta.

Waa maxay sababta aanu codsiga macluumaad ugu uruurino?

Waxaanu macluumaadkaaga u adeegsan doonaa inaanu ku baarno, ku qiimeyno oo ku maamulno Barnaamijyada Tamarta. Macluumaadka waxaanu ugu baahanahay:

- Inaanu dadka kale kaaga aqoonsanno.
- Inaanu ku ogaano inaad kaalmo u qalanto.
- Inuu noo sahlo inaanu kaalmadaada u helno lacago federaal ama gobol.
- Si aanu u buuxino shuruudaha warbixinta gobolka ama federaalka.

Ma kugu waajibaa inaad na siiso macluumaadka?

Waxaad xaq u leedahay in aadan na siin macluumaadka aanu ku waydiino.

Maxaa dhacayaa haddii aad macluumaad na siiso ama na siin waydo?

Haddii aad na siiso macluumaadka lagu dhex codsaday codsiga, codsigaaga waa laga shaqeyn doonaa. Haddii aad na siin weydo macluumaadkaas:

- Codsigaaga lagama shaqeyn doono.
- Waxa laga yaabaa inaad helin adeegyada.
- Waxa laga yaabaa inaad heli kaalmada kharashka tamarta.
- Waxa laga yaabaa in adeegyadaadu dib u dhacaan.

Waanu hayn doonaa macluumaad kasta oo aad na siiso, codsiga haddii la aqbalayo iyo haddii aan la aqbalinba.

Yaa laga yaabaa inay arkaan codsigan?

Dadkan soo socda ayaa laga yaabaa inay helaan macluumaadka ku jira codsigaaga Barnaamijyada Tamarta haddii: (i) ay u baahdaan inay helaan macluudka codsiga si ay u qabtaan shaqadooda la xiriirta Barnaamijyada tamarta (EAP, WAP, iyo CIP), ama (ii) uu si kale sharciga federaalka ama gobolku awood ugu siiyay inay arkaan, ama (iii) ay macluumaadka u adeegsanayaan ujeedooyin warbixaneed, cabbirista natiijooyinka, sii gubin ama u qalmiseed.

- Bixiyayaasha Adeega Barnaamijyada Tamarta ee Maxalliga ah oo ku shaqeynaya qandaraaska ay kula jiraan Waaxda Ganacsiga ee Minnesota (Ganacsiga).
- Qaybta Deeqaha ee Adeegyada Bulshada Minnesota iyo Bixiyayaasha Adeegyada Deeqaha Bulshada ee Minnesota oo ku shaqeynaya qandaraaska ay kula jiraan Ganacsiga.
- Hanti-dhowrayaasha barnaamijka si waafaqsan hagitaanka Xafiiska Maamulka iyo Miisaaniyadda (OMB).
- Waaxda Maamulka ee Minnesota, Ganacsiga, Waaxda Shaqaaleysiinta iyo Kobaca Dhaqaalaha, Caafimaadka, Wakaaladda Maalgelinta Guriyaynta, Adeegyada Adamaha, Adeegyada Dakhliga iyo MN.IT.
- Waaxda Caafimaadka iyo Adeegyada Adamaha iyo Tamarta ee Maraykanka.
- Guddidda Adeega Bulshada ee Minnesota.
- Kormeeraha Sharciga ee Minnesota.
- Shaqsiyaadka loogu ogolaaday si waafaqsan amar maxkamadeed.
- Shirkadahaaga tamarta oo u isticmaalaya (go'aaminta) waxaad iska bixin karto iyo Barnaamijyada Tamarta.
- Iskaashiga Bulshada Minnesota (Minnesota Community Action Partnership).
- Maamulka Amniga Bulshada ee Maraykanka.
- Wakaaladaha ama hay'daha kale ee sharciga federaalka ama gobolku u ogol yahay.

Maxaan u uruurinaa Lambarada Amniga Bulshada?

Waxaanu Lambarada Amniga Bulshada u adeegsanaa maamulka Barnaamijyada Tamarta (EAP, WAP, iyo CIP) si aanu u hubino in codsadyaasha iyo xubnaha qoyskoodu ay helaan keliya gunnooyinka la ogol yahay. Sharciga federaalka ayaa noo ogol inaan kaa dalbano inaad sheegto Lambarkaaga Amniga Bulshada si aanu uga shaqeyno codsigaaga oo aanu uga hortagno, una saxno been abuurka iyo si xun u adeegsiga. OGOLAANSHAHA: Qaybta 205(c)(2)(C)(i) ee Xeerka Amniga Bulshada, 42 U.S.C. § 405(c)(2)(C)(i). Dhammaan codsadyaasha (marka laga reebo ajaanibka u qalma) waxa laga rabaa inay bixiyaan Lambarka Amniga Bulshada oo la xaqiijin karo si looga shaqeeyo codsiga.

Maxaan u waydiinaa macluumaad ku saabsan jinsigaaga?

Kani waa macluumaad ikhtiyaari ah. Waxa loo qoraa loona kaydiyaa ujeedooyin tiro-koob oo keliya dartood. Barnaamijku cidna kuma faquuqi karo sabab jinsi, qawmiyadda laga soo jeedo, diin, sinji, fikir galmo, ama xulaf siyaasadeed.

Xuquuqahaaga iyo Masuuliyadahaaga

Waxaad xuquuqo gaar ah u leedahay inaad kaalmo

hesho:

Waxaad xaq u leedahay:

- Inaad markale soo codsato haddii lagu diido.
- Inaad kaalmo dheeraad ah codsato haddii aad u baahan tahay.
- Inaad ogaato shuruucda iyo sidaan u go'aamino cidda kaalmada helaysa.
- Inaad jawaab ku hesho waqti macquul ah ka dib markaad soo gudbisno dhammaan macluumaadka.
- Inaad rafcaan ku qaadato muddo 30 beri gudahood ka dib marka lagu soo diro natiijada codsigaaga haddii:
 - Aad hesho warqad diidmo ah oo aad u maleynayso inaanu isticmaalnay macluumaad khaldan si aanu go'aanka u gaarno.
 - Aadan heli kaalmadii lagu ballan-qaaday.

Waxaad leedahay masuuliyadahan:

Waa inaad noo sheegtaa haddii aad adiga ama qof qoyskaaga ka mid ahi:

- Helay kaalmo biilasha tamarta ah jiilaalka qaybtiisii hore.
- Uu u guuray ciwnaan cusub (noogu sheeg 30 beri gudahood oo guurista ka bilaabantay)
- Aad bedeshay cidda shidaalka ama gaasta kuu keenta ama shirkadda korantada.

Waxa laga yaabaa in barnaamijka bixiyo keliya qayb biilashaada kuleylinta iyo korontada ah. Adiga ayaa ka masuul ah inaad bixiso haraaga.

Ka warran haddii aad fileyso in macluumaadka galkaaga ku jiraa uu khaldan yahay?

Kala hadal Adeeg Bixiyahaaga EAP ee maxalliga ah waxa aad u maleynayso inuu ka khaldan yahay galkaaga.

Maxaa dhacaya haddii aad bixiso macluumaad khaldan?

Adeeg Bixiyahaaga EAP ee maxalliga ah ama Waaxda Ganacsiga ee Minisoota waxay eegi karaan oo hubin karaan macluumaad kasta oo ku jira codsigaaga ama si kale lagu baxshay. Gunnooyinka Barnaamijka Tamarta waa lagu diidi karaa haddii aad bixiso macluumaad kala dhiman ama been ah. Waxa dhici karta in si waafaqsan shuruucda federaalka ama gobolka laguugu soo oogo dambi madani ah ama mid maxkamadeed haddii adiga oo og aad macluumaad been ah ama been-abuur ah soo raaciso codsigaaga.

Sida cabasho loo soo gudbiyo:

Haddii aad u maleynayso in lacagbixintaada tamartu aanay ahayn sidii laga rabay ama aadan helin adeegyadii aad filaysay inaad hesho, waxaad la xiriiri kartaa Adeeg Bixiyahaaga EAP ee maxalliga ah ee ku qoran codsiga. Haddii aadan ku qanacsanayn jawaabtooda, waxaad warqad rafcaan ah u qori kartaa Adeeg Bixiyaha EAP ee maxalliga ah. Kaydso cinwaankooda iyo lambarka taleefankooda.

Haddii aadan ku qanacsanay jawaabtooda rafcaankaaga, warqad u qor:

Sarkaalka Rafcaanada
Barnaamijka Kaalmada Tamarta
Waaxda Ganacsiga ee Minisoota
85 East 7th Place, Suite 280
St. Paul, MN 55101-2198

Haddii si dadka kale ka duwan laguula dhaqmay sababo midabkaaga, jinsigaaga, dhalshadaada asalka ah, diintaada, sinjigaaga, da'daada, xaalkaaga guur, siyaasadaha aad rumaysan tahay, naafonimadaada jireed ama maskaxeed daraadeed, warqad u qor kuwan soo socda midkood:

Waaxda Xuquuqda Aadanaha ee
Minnesota
Grigg's Midway Building
540 Fairview Ave. N, Suite 201
St. Paul, MN 55104
<https://mn.gov/mdhr/>

Waaxda Caafimaadka iyo Adeegyada
Aadamaha ee Maraykanka
-AMA- Xafiiska Xuquuqaha Madaniga ah, Gobol V
233 North Michigan Avenue, Suite 1300
Chicago, IL 60601
www.hhs.gov/ocr/civilrights/complaints